

Supervizor Gregorian posjetio zgradu Arhiva Brčko Distrikta i novi Dnevni centar za osobe sa posebnim potrebama



Supervizor za Brčko dr Raffi Gregorian posjetio je danas novu zgradu Arhiva Brčko Distrikta i novi Dnevni centar za osobe sa posebnim potrebama.

Za oba objekta je već mnogo godina postojala potreba i njihova izgradnja je kasnila, ali su sada oba spremna da uskoro budu stavljena u funkciju.

Ovom posjetom, supervizor je pokazao svoju zainteresovanost za napredovanje oba projekta kao pokazatelje efektivnog i trajnog funkcionisanja institucija Distrikta..

“Posebno sam zadovoljan što je u novom Dnevnom centru za osobe sa posebnim potrebama obezbjeđen Mentalno-rehabilitaciono-edukativni centar koji će biti sredina za učenje i razvoj za djecu i odrasle sa posebnim potrebama ”, rekao je supervizor i dodao da će pomno pratiti kako se troše novčana sredstva koja su prikupljena novčanim kažnjavanjem članova Skupštine i Vlade putem naloga supervizora od 19. septembra i 8. oktobra 2008. godine, za potrebe Dnevnog centra za osobe sa posebnim potrebama.